



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1639/10  
Sarajevo, 15.7.2010. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 16.07.2010			
Organizaciona jedinica	Klasifikaciona oznaka	Sedni broj	Broj priloga
01-50-1-15-77			10

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 128. sjednici održanoj 14.7.2010. godine, utvrdilo je Odgovor na zastupnička pitanja koja je postavio gosp. Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1639/10  
Sarajevo, 14.7.2010. godine

Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, na 77. sjednici Predstavničkog doma, održanoj 17. maja 2010. godine, postavio je sljedeća poslanička pitanja:

1. „Šta će Vijeće ministara BiH uraditi prema odgovornim u Agenciji za lijekove zbog nepoštivanja Zakona o lijekovima u smislu poslaničkog pitanja i dobivenih odgovora, jer je očigledno kršenje odredaba Zakona o lijekovima?“
2. „Vijeće ministara BiH je dalo saglasnost na Pravilnik o unutrašnjoj organizaciji i sistematizaciji Agencije za lijekove. U Agenciju za državnu službu BiH dostavljen je potpuno drugačiji tekst Pravilnika od strane direktora Agencije. Pitanje - Na koji način će sankcionisati ovako nezakonito ponašanje direktora, jer je očigledno da se radi o falsifikatu?“

Na postavljeno pitanje „Šta će Vijeće ministara BiH uraditi prema odgovornim u Agenciji za lijekove zbog nepoštivanja Zakona o lijekovima u smislu poslaničkog pitanja i dobivenih odgovora, jer je očigledno kršenje odredaba Zakona o lijekovima?“,

Na postavljeno pitanje, Vijeće ministara Bosne i Hercegovine je na 128. sjednici održanoj 14.7.2010. godine, utvrdilo sljedeći

**ODGOVOR**

Zakonom o lijekovima i medicinskim sredstvima Bosne i Hercegovine („Službeni glasnik BiH“ broj 58/08), osnovana je Agencija za lijekove i medicinska sredstva Bosne i Hercegovine, kao ovlašteno tijelo odgovorno za oblast lijekova i medicinskih sredstava u medicini u BiH.

Agencija je samostalna upravna organizacija čije nadležnosti i djelokrug rada propisuje Zakon o lijekovima i medicinskim sredstvima BiH.

Takođe, Zakonom o lijekovima i medicinskim sredstvima BiH, propisana su ovlaštenja i odgovornosti direktora Agencije. Direktora imenuje Savjet ministara Bosne i Hercegovine, na prijedlog Stručnog vijeća Agencije, na mandat od četiri godine. Direktora Agencije Savjet ministara BiH može razriješiti dužnosti prije isteka mandata u slučajevima propisanim Zakonom, a na prijedlog Stručnog vijeća Agencije.

Shodno tome, za preduzimanje odgovarajućih mjera prema odgovornim licima u Agenciji za, kako se navodi u postavljenom poslaničkom pitanju, nepoštovanje Zakona, potrebno je najprije utvrditi njihovu odgovornost kako bi se pokrenula odgovarajuća procedura za njihovo sankcionisanje.

Stoga, Savjet ministara BiH može preduzeti konkretne mjere prema direktoru Agencije na prijedlog Stručnog vijeća, ukoliko se utvrdi kršenje Zakona o lijekovima i medicinskim sredstvima i drugih propisa.

Na postavljeno pitanje „Vijeće ministara BiH je dalo saglasnost na Pravilnik o unutrašnjoj organizaciji i sistematizaciji Agencije za lijekove. U Agenciju za državnu službu BiH dostavljen je potpuno drugačiji tekst Pravilnika od strane direktora Agencije. Pitanje - Na koji način će sankcionisati ovako nezakonito ponašanje direktora, jer je očigledno da se radi o falsifikatu?“,

### ODGOVOR

Ministarstvo civilnih poslova Bosne i Hercegovine, uputilo je dopis Agenciji za lijekove i medicinska sredstva Bosne i Hercegovine, kojim je tražilo informaciju u vezi predmetnog poslaničkog pitanja.

Agencija za lijekove i medicinska sredstva BiH, dostavila je Ministarstvu civilnih poslova odgovor, u kojem navodi da je originalni primjerak Pravilnika o unutrašnjoj organizaciji i sistematizaciji, dostavljen Agenciji za državnu službu Bosne i Hercegovine, aktom Agencije broj 01-07-340-1/10 od 21.01.2010. godine.

Prethodno je Savjet ministara Bosne i Hercegovine, na svojoj 113. sjednici, održanoj 21.01.2010. godine, dao saglasnost na navedeni Pravilnik, uz određene primjedbe, koje je, kako proizilazi iz odgovora koji smo dobili, Agencija uvažila i izvršila potrebne korekcije.

Dakle, iz odgovora Agencije proizilazi da je tekst Pravilnika o unutrašnjoj organizaciji i sistematizaciji Agencije usaglašen sa tekstom koji je dostavljen Agenciji za državnu službu BiH, te da se ne radi o falsifikatu.